



UNIVERSITÄTS-  
BIBLIOTHEK  
PADERBORN

**Candidatus Abbreuiatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XLVI. De Observatione Jejuniorum.

---

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

ponere. 3. Noviter inventas publicæ venerationi exponere absque Summi Pontificis approbatione; licet sufficiat approbatio Episcopi in casu, quo inveniuntur Reliquiæ cum scriptura vel instrumento publico, aut aliunde constet certò, eas esse alicujus sancti antiquitus approbati. Habentur hæc c. 1. & 2. h. t. Trid. s. 25. in Decreto de Invocatione, Veneratione, Reliquiis Sanctorum, & sacris Imaginibus: quod utiliter inspicias, uti & meum *Cursum Theol. Polemica p. 2. controv. particul. 2. art. 2.*

## TITULUS XLVI.

### De Observatione Jejuniorum.

#### SUMMARIUM.

1. Jejunium & Abstinencia quid.
2. Quinam obligentur ad hanc, & ad illud.
3. Dispensatus ad esum carniū non tenetur abstinere ab altera refectioe in eodem die.
4. Quantum liceat comedere in Collatiuncula Vespertina.

**J**ejunium in genere est abstinencia à cibis, seu parsimonia victūs in quantitate & qualitate. Est duplex; *Naturale*, quod consistit in abstinencia ab omni prorsus cibo & potu, per modum cibi aut potūs sumpto, atque hoc præcipitur ante sumptionem Evcharistiæ. Et *Ecclesiasticum*, quod ab Ecclesia præscribitur secundum certam formam. Si Ecclesia præcipiat præcisè

abstineri à certo ciborum genere, nimirum à carnibus, vocatur *Abstinentia*: si præter carnes veteret simul alteram in die refectioem, jubeatque una refectioem integra in cibis esurialibus, seu à carne distinctis, sumpta esse contentos, appellatur strictè *Jejunium*, quod observari debet in Quadragesima, in angariis feria 4. 6. & sabbathis, in vigiliis Nativitatis, Pentecostes, SS. Apostolorum &c. Et hoc jejunium definitur esse *abstinentia à certo genere ciborum sub una refectioem à meridie sumenda*. Cibi prohibiti sunt carnes & quidquid in communi æstimatione habetur pro carnibus. *can. 7. 8. 11. d. 3. de consecr.* item pro Quadragesima etiam *lactinia*, seu illi cibi, qui sementinam carnis originem trahunt. *can. fin. d. 4.* uti lac, butyrum, caseus, ova. Verùm ea serè ubique in Germania permittuntur vi consuetudinis. Si comedantur carnes in notabili quantitate, peccatur graviter toties, quoties. Si adhibeatur altera refectio, etiam per plures comestiones modicas successivè constituentes integram & plenam refectioem, pariter peccatur mortaliter. *Laym. l. 4. Theol. Mor. tr. 8. c. 1. v. quartum.* Licitum tamen est sub vesperum sumere collatiunculam seu cœnulam moderatam ex recepta consuetudine, ex qua pariter pro refectioem introductum est tempus meridianum seclusâ justâ causâ illud mutandi; nam olim in Quadragesima debebat sumi primùm ad solis occasum. Abstinentia ab altera refectioem fundatur in *can. 50. d. 1. de consecr.* imò magis in traditione & consuetudine.

2. Dico I. Quamvis abstinere à carnibus, Veneris, Sabbathi, & Jejuniorum diebus teneantur omnes

omnes Christiani, septimum ætatis annum egressi; quia præcepta Ecclesiæ per se comprehendunt omnes & solos ratione præditos Christianos.

2. Abstineri autem ab altera refectione, seu ad jejunium, illi soli, qui compleverunt 21. ætatis annum; sic enim habet communis DD. sensus: nisi & isti aliunde excusentur, v. g. ex causa valetudinis, magni laboris corporalis, intensi studii, dispensationis &c. An verò sexagenarii excusentur, dubium est inter Auctores: probabiliter affirmant Portell, Jo. Sanch. Diana, Tambur. Burgh. & alii apud la Croix. *l. 3. p. 2. n. 1317.* allegantes auctoritatem Pii V. negant Azor, Less. Tann. Filliuc. Layman &c.

Quæres, an, si cum aliquo in particulari, vel <sup>3</sup> cum integra cummunitate generaliter dispensetur ad esum carniū in Quadragesima, censeatur etiam dispensatum quoad secundam refectionem? R. cum Cajet. Azor, P. Wiestner *h. n. 7.* affirmativè? quia per dispensationem ad esum carniū tollitur substantia jejunii; & ruente principali ruit quoque accessorium. *c. 42. de R. J. in 6.* Ex quo ulterius infero, si in aliqua diœcesi permittitur esus carniū generaliter, nec illos, qui dispensationem quoad carnes non acceptant, & cibis esurialibus voluntariè vescuntur, peccare contra jejunium, qui illis diebus, quibus permittitur esus carniū, adhibent alteram refectionem in cibis esurialibus; quia etiam quoad hos per dispensationem sublata est substantia jejunii. Et planè absurdum foret eos obligare ad abstinendum ab altera refectione, qui sponte aliquid observant de præcepto Ecclesiæ, abstinendo à car-

nibus, non verò illos, qui nihil observant, & carnes comedunt. Nunquid talis, qui sponte non comedit carnes, & quem tu vis obligare ad abstinendum à secunda refectioe in cibis esurialibus, licetè mutat mentem, & dicit: afferte mihi carnes ad cœnandum? & tunc in his juxta te potest adhibere secundam refectioem; quare ergo non etiam in cibis esurialibus:

- 4 Dico 2. *Quantitas* ciborum esurialium, quæ in collatiuncula vespertina licetè & absque omni peccato sumitur, potest esse vel absoluta respectu omnium, nempe media libra (quæ apud nos sunt 8. uncia) vel respectiva, nimirum respectu & proportione habita ad personas, quæ ampliori vel pauciori cibo indigent ad suam refectioem, ac à multis determinatur quarta pars justæ prandii. Utraque sententia est verè probabilis, & traditurque à multis Doctoribus. Quando autem exceditur, equidem peccatur, sed non statim graviter: quando verò grave contrahatur peccatum excedendo, plerique DD. non determinant. *Qualitas* verò ciborum, an nimirum calidi sint vel frigidi, ossa, vel pisces, vel fructus, vel placenta &c. juxta Azor, Bonac. Burghaber, Sporer, & alios non attenditur, quorum sententiam practice probabilem esse censeo (modò consuetudo non repugnet) licet 30. DD. apud Diana contradicant, qui tantùm permittunt leviores cibos, ut panem, fructus, bellaria, & pro more regionis caseum.

¶ ¶ ) ○ ( ¶ ¶